

REPUBLIKA E KOSOVËS
KUVENDI I KOMUNËS NË MALISHEVË

Kuvendi Komunal – Malishevë

PROCESVERBAL

i mbledhjes së I (parë) urgjente të Kuvendit Komunal të Malishevës.

Mbledhja u mbajtë më datë: **12.01.2026**, duke filluar nga ora: **10:00**.

Mbledhjen e kryesoi Kryesuesi i Kuvendit Komunal të Malishevës, **Fatmir Ademaj**.
Të pranishëm në këtë mbledhje ishin **26 anëtarë** të Kuvendit Komunal, përfaqësues të OSBE-së dhe përfaqësues nga Zyra për Informim.

Rendi i ditës

1. Themelimi i komiteteve obligative:
Komitetit për Politikë dhe Financa dhe Komitetit për Komunitete.

Kryesuesi i Kuvendit, **Fatmir Ademaj**: Përshëndetje për të gjithë!

Mirë se keni ardhur në mbledhjen e parë (I) urgjente! Së pari kërkoj nga sekretaria e Kuvendit të konstatojë numrin e anëtarëve të Kuvendit a kemi kuorum për vazhdim të kësaj seance?

Konstatojmë që të pranishëm jemi **26** anëtarë dhe kemi kuorum për vazhdimin e seancës. E keni marrë dhe materialin ku si pikë në rend të ditës kemi:

1. Themelimi i komiteteve obligative:

Komitetit për Politikë dhe Financa dhe Komitetit për Komunitete.

Kush është **PËR** këtë rend të ditës? 26 anëtarët unanimisht **PËR**! Miratohet ky rend i ditës. Duke u konsultuar me ligjin dhe Udhëzimin Administrativ, sot duhet t'i themelojmë dy komitetet e Kuvendit: **Komitetin për Politikë dhe Financa** dhe **Komitetin për Komunitete**. Përbërja e tyre është varësisht prej numrit të banorëve dhe përfaqësimit të asambleve Komunale në nivel vendi. Në këtë rast ne si Asamble Komunale kemi 27 asambleistë. Qëndrojmë te numri 7 në **Komitet për Politikë dhe Financa**, dhe numër 5 te **Komiteti për Komunitete**. Para se të fillojmë me propozime kisha kërkuar nga Zyrtari Ligjor i Komunës, **Muharrem Morina** që ta japë interpretimin e Komitetit për Politikë dhe Financa dhe po ashtu Komitetit për Komunitete.

Urdhëro, Muharrem Morina!

Muharrem Morina, Zyrtar Ligjor: Përshëndetje për të gjithë!

Ju uroj të gjithëve marrjen e mandatit dhe suksese në punën tuaj. Sot mbledhja urgjente është thirrë për themelimin e dy komiteteve obligative. E sqaroj edhe Kryesuesi ndryshimet të cilat janë bërë në regjistrimin e popullësisë kanë ndikuar që Komiteti për Politikë dhe Financa të jetë me numër siç ka qenë në mandatin e kaluar.

Ta kemi parasysh para këtij mandati kemi pasur **9** anëtarë, tani Asambleja i ka **27** anëtarë, në mandatin e kaluar i ka pasur **31** asambleistë. Komiteti për Politikë dhe Financa është i formuar prej **7** anëtarëve, mirëpo te çelësi i përbëmjes të forcës politike në këtë komitet ligji thotë që duhet të ketë përbëmjen e njëjtë në përfaqësimin politik në kuvend.

Kryesuesi i Komitetit nuk llogaritet, sepse Kryesuesi i Kuvendit është ex officio, edhe Kryesues i Komitetit për Politikë dhe Financa. Sa i përket numrit 6 që duhet me përfaqësu në këtë Komitet ne kemi marrë formulën që jeni zgjedhur ju si përfaqësues në Kuvendin Komunal, në bazë të fuqisë politike të votave që i keni marrë në zgjedhjet komunale, në bashkëpunim dhe me OSBE-në.

Sipas kësaj numri:

- numri 1 vjen **Nisma Socialdemokrate** për arsye se i ka 9089 vota;
- numri 2 vjen nga **PDK** 4281 vota;
- numri 3 vjen nga **LDK** me 3068 vota;

- numri 4 vjen prapë nga **Nisma Socialdemokrate** me 3029 vota;
- numri 5 vjen nga **LVV** me 2461 vota;
- numri 6 vjen nga **Nisma** me 1817 vota.

Kjo është formulë që është apliku dhe për ju si anëtarë të asamblesë. Në rastin konkret për arsye të numrit 6 **AAK** që ka vetëm një anëtar nuk përfshihet fare në këtë Komitet.

Kryesues i Kuvendit, **Fatmir Ademaj**: Hapi debatin për këtë pikë të rendit të ditës.

Urdhëro, **Halil Morina**!

Halil Morina, anëtarë nga **Nisma Socialdemokrate**: Përshëndetje për të gjithë!

Është hera e parë që po ju drejtohem nga kjo foltore; më lejoni t'ju uroj në zgjedhjen e këtij mandati si anëtarë të Kuvendit të gjithëve. Shpresoj që të gjithë së bashku në këtë mandat të bëjmë më të mirën për qytetarët e Komunës sonë! Sa i përket pikës së rendit të ditës Kryesuesi i Kuvendit dhe Zyrtaari Ligjor, Muharrem Morina, e shpjeguan shumë mirë formulën se si zgjidhet përbërja e këtij Komiteti.

Kjo metodë që e shpjegoi *Muharremi* është metodë që edhe KQZ-ja e aplikon për caktimin e mandateve në Zgjedhjet Qendrore ose Zgjedhjet Lokale. Ne si Grup Parlamentar pajtohemi me këtë përbërje.

Kryesues i Kuvendit, **Fatmir Ademaj**: Faleminderit Halil! Urdhëro, Veton Zogaj!

Veton Zogaj, anëtarë nga **LVV**: Përshëndetje për të gjithë!

Nëse kishe mundësi, Muharrem, me na sqaru sepse sa kam lexuar ligjin dhe Udhëzimet Administrative nuk e kam parë që Kryesuesi i Kuvendit është me ex officio i paraparë të jetë domosdoshmërisht anëtar i KPF-së, por me qenë dhe një anëtar tjetër nga LDK shtesë nuk e di që është e nevojshme, sepse ky përfaqëson LDK-në. Dhe diçka që harrove në komitet është e rëndësishme me qenë edhe barazia gjinore, në këtë rast KPF-ja i ka 7 anëtarë, domosdoshmërisht jemi të obliguar që së paku tri femra me qenë të përfshira në Komitet. Mënyrën e votim e kisha propozu që ta japin të gjitha subjektet me propozime dhe pasi t'i votojmë bashkërisht të gjitha, mos të ketë hatërmbetje.

Kryesues i Kuvendit, **Fatmir Ademaj**: Urdhëro, Burim Paçarizi!

Burim Paçarizi, anëtar nga **PDK**: Përshëndetje për të gjithë!

Meqë është fjala ime e parë në këtë mandat ju uroj punë të mbarë dhe suksese të gjithëve, dhe të kemi punë të mira bashkërisht për të mirën e qytetarëve të Komunës së Malishevës! Sipas analizave të cilat i kemi bërë dhe hollësive të ligjit, nuk shënon që Kryesuesi i Kuvendit duhet të jetë ex officio si anëtarë i KPF-së. Andaj mendoj që duhet me analizu dhe njëherë e mirë ndarjen dhe mënyrën e pozicionit jo pse ne jemi nga PDK, por mendoj që formula ka qenë që edhe ne të kemi anëtarin e dytë në Komitet.

Kryesues i Kuvendit, **Fatmir Ademaj**: Urdhëro, Muharrem Morina!

Muharrem Morina, Zyrtaari Ligjor: Të nderuar asambleistë! Duke ditur shqetësimin pse duhet të jetë Kryesuesi ex officio edhe Kryesuesi i Komitetit për Politikë dhe Financa. Dua t'ju njoftoj që para mandatit të kaluar Komuna e Malishevës ka kërkuar interpretim lidhur me këtë çështje të Ligjit për Qeverisje Lokale, jo që ne e kemi pasur të paqartë, por për arsye të këtyre përplasjeve politike që kanë ndodhë për përfaqësimin e komiteteve të kuvendit. Interpretimi ligjor që ka ardhë prej Ministrisë së

Pushtetit Lokal ka qenë në harmoni me Ligjin për Qeverisje Lokale neni 52 të Ligjit ceket që Komiteti për Politikë dhe Financa krysohet nga Kryesuesi i Kuvendit të Komunës dhe përbërja e tij duhet të reflektojë përfaqësimin e komiteteve politike në Kuvend. Në rastin konkret Kryesuesi i Kuvendit është ex officio. Kryesuesi i KPF-së, për këtë ndarje e mandateve bëhet vetëm për numërin 6, sepse numri 7 nuk llogaritet. Sikur Nisma do të kishte Kryesuesin e vetë do t'i kishte 4 anëtarë për arsye të këtij parimi. Ju e dini që shumë dokumentacione të cilat hyjnë në Kuvend duhet me qenë të nënshkruara nga Kryesuesit i Kuvendit, këtë po e thotë ligji, jo unë.

Kryesusi i Kuvendit, **Fatmir Ademaj**: Urdhëro, Imran Xhyliqi.

Imran Xhyliqi, anëtar nga PDK: Përsëritet për të gjithë!

Meqenëse është hera e parë që po marrë fjalën në këtë foltore dua t'ju uroj suksese të gjithë asambleistëve dhe Kryesuesit të zgjedhur. Kryesues, kjo mbledhje urgjente është dashtë të thirret për vërshimet që janë bërë, jo për formim të këtyre komiteteve. Besoj që ajo kishte me qenë urgjente, për vërshimet nga fatkeqësit natyrore.

Sa i përket këtyre komiteteve, Muharrem, e ceke më herët që për arsye të numrit që është zvoglu në Malishevë, numri i asambleistëve tash është 27, herën e kaluar ka qenë 31, prapë i kemi pasur 7 anëtarë në KPF. Ligji thotë prej 21-31 anëtarë të Kuvendit Komunal maksimumi të vendosen 7, jo më shumë se 7. Sipas ndarjes së ligjit, në asnjë ligj nuk shënon që duhet të ndahet KPF sipas ligjit DKMUS. Nëse shkojmë sipas ligjit presjen dhjetore e kemi ne më të madhe si PDK, automatikisht anëtari i KPF-së i dyti jam unë, ne nuk po duam me na mbivlersu, ne thjesht po duam ligjin me respektu. Nëse LDK-së i takon vetëm një anëtar atëherë, pse 1+1, unë e di që Kryesuesi është kryetar i KPF-së këtë e thotë ligji, e kuptuam, por nuk do të thotë LDK të mbivlerësohet më shumë se PDK. LDK i ka vetëm 4 anëtarë, ne i kemi 6 anëtarë Kuvendi, me çfarë ligji po e mbivlerësoni LDK-në. Thjesht respektojeni ligjin.

Kryesusi i Kuvendit, **Fatmir Ademaj**: Urdhëro, Halil Morina, replikë!

Halil Morina, anëtar nga Nisma Socialdemokrate: Është e vërtetë që nuk shkruan askund që KPF-ja zgjedhet sipas DKMUS, por parimi është i njëjtë, aplikohet njëjtë siç aplikohet në ndarjen e mandateve si në Zgjedhjet Lokale, ashtu dhe qendrore i njëjti parim vlen edhe këtu. Në qoftë se në ligj ishte dashur të shënohet gjithçka atëherë, kushtetuta nuk kishte pasur ndonjë rol të madh. Ajo që the ti, nuk është ligj, por është formulë në bazë të së cilës ne e kemi marrë m'i nda anëtarët e KPF-së. Përndryshe, vendimet që merren në këtë Kuvend filtrohen në MAPL, secili subjekt politik që mendon që i është bërë e padrejtë ka të drejtë të bëjë ankesë në MAPL dhe merr përgjigje, nëse MAPL thotë që këtë ndarje e keni bërë gabim, atëherë ne e bëjmë ndarjen ashtu siç na thotë MAPL. Askush nuk do të mbivlerësohet as nuk do të nënvlerësohet, sepse i kemi disa ligje të cilat jemi të obliguar të funksionojmë në bazë tyre.

Kryesuesi i Kuvendit, **Fatmir Ademaj**: Urdhëro, Imran Xhyliqi!

Imran Xhyliqi, PDK: Sa i përket parimeve, parimi i zgjedhjes së Kryesuesit që është zgjedhë Fatmir Ademaj, përse në këtë rast nuk ia lironi një vend me sjellë një asambleist siç po ia lironi në KPF, përse nuk po e praktikoni këtë parim?

Kryesusi i Kuvendit, **Fatmir Ademaj**: Urdhëro, Muharrem Morina!

Muharrem Morina, Zyrtar Ligjor: Ligji për Qeverisje Lokale nuk i njeh koalicionet, për qeverisje lokale. Ligji për Qeverisje Lokale e njeh mandatin tënd si anëtar që keni ardhë me votë të popullit, mënyrën e përfaqësimit në Kuvend e ka mospërfaqësimin e politikës, asnjë nen nuk thotë koalicionet politike. Kryesuesi i Kuvendit zgjedhet prej Kuvendit, nëse thua me zëvendësu bëhemi 28 anëtarë, e shkelim ligjin, nuk lejohet.

Kryesusi i Kuvendit, **Fatmir Ademaj**: A ka dikush nga anëtarët e Kuvendit të paraqes mendimin e tij lidhur me këtë çështje? Nëse nuk ka në bazë të vlerësimit ligjor themelimi i Komitetit për Politikë dhe Financa përbëhet nga 7 anëtarë, në këtë përbërje të aspektit politik:

3 anëtarë nga *Nisma Socialdemokrate*,

1 anëtar nga *PDK*,

1 anëtar nga *LDK*

1 anëtar nga *LVV*

Kryesusi i Asamblesë Komunale, **Fatmir Ademaj**, ftoj subjektet politike t'i ofrojnë propozimet e tyre.

Urdhëro, Halil Morina!

Halil Morina, anëtarë nga Nisma Socialdemokrate: Në emër të Grupit të Nismës për KPF propozoj këta emra: *Halil Morina, Gentianë Mehmetaj, Amrush Helshanin!*

Kryesusi i Kuvendit, **Fatmir Ademaj**: Nga PDK?

Burim Paçarizi, anëtarë nga PDK: Nga ne propozojmë, *Imran Xhyliqin!*

Kryesusi i Kuvendit, **Fatmir Ademaj**: Nga grupi LVV?

Vlera Bytyçi, anëtare nga LVV: Nga Grupi LVV?

Kryesusi i Kuvendit, **Fatmir Ademaj**: LDK ka *Xhenetë Morinën*. Në seancën e kaluar Vetoni ka kërkuar reflektim gjinor, politika është e gjatë jo, më gjatë sesa një mandat zgjedhor. Kështu që kërkoj nga subjektet politike LVV, Nisma Socialdemokrate dhe PDK të reflektojnë që ta plotësojnë kuotën gjinore.

Veton Zogaj, anëtarë nga LVV: Grupi jonë ka vetëm një anëtar në KPF, normalisht nuk mundemi me reflektu në këtë pikë, të kishim pasë dy patjetër që kishim bërë reflektimin tonë. Këtë reflektim presim nga ju LDK dhe Nisma ta bëni.

Kryesuesi **Fatmir Ademaj**: Veton nga LDK e prezantuar emrin është: *Xheneta Morina*, femër. Pres nga PDK dhe Nisma që të reflektojnë. Halil nëse ju nevojitet kohë për konsulta mund të bëjmë pauzë dhe të vazhdojmë prapë. Propojmë 5 minuta pauzë.

Vazhdojmë seancën pas pauzës, Halil po presim reflektimin tuaj.

Halil Morina, anëtarë nga Nisma Socialdemokrate: Atëherë në vend të *Amrush Helshanit* propozojmë *Edonë Hotin*, meqë tjerët nuk lëvizën asgjë.

Kryesusi i Kuvendit, **Fatmir Ademaj**: Atëherë përbërja e **KPF**-së është si vijon:

1. **Halil Morina** - *Nisma Socialdemokrate*
2. **Gentianë Mehmetaj** - *Nisma Socialdemokrate*
3. **Edonë Hoti** - *Nisma Socialdemokrate*
4. **Imran Xhyliqi** - *PDK*
5. **Fatmir Ademaj**, *LDK* - *Kryesues i Kuvendit*.
6. **Xhenetë Morina** - *LDK*
7. **Veton Zogaj** - *LVV*

Kush është **Për**, që **Komitetit për Politikë dhe Financa** të formohet me këtë përbërje nga subjektet politike? 26 anëtarë prezent.

Unanimisht të gjithë të pranishmit ishin **PËR** miratohet përbërja e **KPF**-së.

Vazhdojmë me pjesën tjetër të pikës së parë themelimi i **Komitetit për Komunitete**. Edhe në këtë pjesë Muharremi dhe Salihi na treguan që janë 5 anëtarë, 2 nga Kuvendi dhe tre janë nga komunitete të ndryshme. Kështu që ne kemi obligim ligjor t'i zgjedhim dy emrat nga Kuvendi dhe tre emrat e tjerë presim propozimet nga komunitetet, të cilët jetojnë në Komunën e Malishevës. Urdhëroni me propozime!

Halil Morina, anëtarë nga Nisma Socialdemokrate: Në emër të Grupit propozoj *Hafir Rexhën*!

Xhenetë Morina, anëtare nga LDK: Në emër të grupit të LDK propozoj *Fitim Shalën*!

Burim Paçarizi, anëtarë nga PDK, në emër të grupit të PDK propozoj *Demir Bajrën*!

Kryesusi i Kuvendit, **Fatmir Ademaj**: Nëse nuk ka propozime të tjera vazhdojmë me votimin nga e para nëse nuk kalon mbetet në vazhdimësi. Urdhëro, Veton!

Veton Zogaj, anëtar nga LVV: Nëse mundesh me na tregu cilat ishin propozimet dhe a kemi m'i votu një nga një propozimet? Në momentin që e votojmë një të Nismës ose LDK-së dhe kalojnë dy votimet, atëherë te propozimi i tretë nuk kemi çfarë të shkojmë, sepse janë vetëm 2 anëtarë që do të zgjidhen në Kuvend.

Kryesusi i Kuvendit, **Fatmir Ademaj**: Urdhëro, Burim Paçarizi!

Burim Paçarizi, anëtarë nga PDK: Përsëritje për të gjithë!

Pasi që i ka vetëm 2 anëtarë nga Kuvendi Komiteti kisha kërku bashkarisht me zgjedhë një nga pozita dhe një nga opozita le të jetë përfaqësimi i të gjithëve.

Kryesuesi i Kuvendit, **Fatmir Ademaj**: Ne asnjëherë përfaqësim të të gjithëve nuk mundemi me qenë, strukturat politike në këtë Asamble Komunale kanë ndërruar dhe do të ndërrohen shpesh. Urdhëro, Halil Morina!

Halil Morina, nga Nisma Socialdemokrate: Për dallim prej komiteti i mëherëshëm i KPF-së që Ligji për Vetëqeverisje Lokale na thotë që këtë komitet me ndryshu përbërjen e grupeve politike në kuvend. Komiteti për Komunitete nuk e ka të njëjtën formulë anëtarët e këtij Komiteti zgjidhen me shumicë votash në kuvend. Muharremi Morina ceku se ligji nuk i njeh kualicionet në Kuvend këtu nuk kemi kualicione. Këtu varet se cilët prej këtyre marrin shumicën e votave. Kishte qenë mirë ashtu siç po thua por problemi është që në Kuvend vendoset në bazë të votave dhe në bazë të bisedimit të anëtarëve të Kuvendit.

Kryesuesi i Kuvendit, **Fatmir Ademaj**: Urdhëro, Amrush Helshani!

Amrush Helshani, anëtar nga Nisma Socialdemokrate: A duhet të aplikohet kuota gjinore edhe në këtë Komitet? Duke marrë parasysh që nëse vijnë dy anëtarë që kanë qenë më herët janë meshkuj.

Muharrem Morin, Zyrtar Ligjor: Është parim i njëjtë për të gjitha komitetet.

Kryesuesi i Kuvendit, **Fatmir Ademaj**: Nuk mund të paragjykojmë, sepse përkatësitë e komuniteteve munden me pasë aspektin e gjinisë, kështu që sot po i votojmë anëtarët e Kuvendit nga votat e Asamblesë Komunale.

Kush është **Për** që *Hafir Rexha* të bëhet anëtarë i Komitetit për Komunitete?

Për: 17

Kundër: 5

Abstenim: 4

Me 17 vota **PËR**, 5 **KUNDËR**, 4 **ABSTENIME** **Hafir Rexha** bëhet anëtarë i **Komitetit për Komunitete**.

Propozimi i dytë ishte nga LDK që *Fitim Shala* të bëhet anëtarë i **Komitetit për Komunitete**.

Kush është **Për**?

Për: 17

Kundër: 5

Abstenim: 4

Me 17 vota **Për**, 5 **Kundër**, 4 **Abstenime**, *Fitim Shala* bëhet anëtarë i **Komitetit për Komunitete**.

Atëherë po e vendosim në votim edhe një propozim, i cili është për *Demir Bajrajn* nga PDK.

Kush është **PËR** që Demir Bajra të jetë anëtarë i **Komitetit për Komunitete**?

Për: 9

Kundër: 16

Abstenim: 1

Me 9 vota **Për**, 16 **Kundër**, 1 **Abstenim**, nuk kalon ky propozim.

Në këtë rast kemi dy anëtarë të Komitetit për Komunitete: **Hafir Rexha** dhe **Fitim Shala**! Pjesa tjetër mbetet që përmes përfaqësuesve të komuniteteve dhe përfaqësuesve të OJQ-ve të sillin emrat.

Urdhëro, *Enver Hoti*!

Enver Hoti, anëtarë nga AAK: Përshëndetje për të gjithë!

Çka më ka befasu Kryesues që rendi i ditës nuk është ardhë, nëse nuk keni mundur me na dërgu, sot është dashtë të na sjellni këtu në Asamble. Vetëm seanca e jashtëzakonshme nuk e ka pikën: *Të ndryshme* jo seancat e tjera, ti nuk na ke dhënë hapsirën për këtë pikë së paku t'i diskutojmë disa çështje të rëndësishme. Përsoneve të cilët u zgjodhën unë ju uroj suksese kjo është çështje ligjore, praktike të funksionojnë në interes të qytetarëve. Por te gjendja aktuale që po kalojmë si komunë është dashur të na jepni mundësinë ta diskutojmë. Cila është gjendja sot e situatës pas vërshimeve? Ne jemi munduar të jemi aktiv dhe t'i mbështesim të gjithë reagusit për të gjitha masat të cilët i kanë marrë reaguesit. Mendoj që qytetarët është dashtë të informohen më tutje përmes përfaqësuesve të tyre, sepse ka pasur disa ngecje. Kjo ishte një çështje të cilën ndoshta në seancën tjetër do ta diskutojmë.

Ajo që u pa në këtë seancë u bë një ndikim mbi votim nuk është në rregull, është dashur t'i jepni përparësi pak opozitës, por i keni numrat vazhdoni! Do të vjen një ditë që do t'ju duhen numrat sepse 4 vjet janë të gjata do t'ju duhen votat dhe mos i kërkon. Po thonë që nuk ka koalicion, nëse bëhet koalicioni për çështje individuale, funksionale është çështje tjetër.

Kryesusi i Kuvendit, **Fatmir Ademaj**: Enver e vlerësova që ke diçka rreth pikës së rendit të ditës dhe ju lejova ta merrni fjalën, vërshimet nuk kanë qenë nga dora e njeriut, por kanë qenë vërshime nga natyra dhe i ka shqetësuar të gjithë qytetarët e Komunës së Malishevës, të gjitha institucionet, Kryetarin e Komunës, të gjithë asambleistët komunal, por të gjitha institucionet relevante e kanë përfunduar punën e tyre. Të gjitha subjektet politike i kanë parë shqetësimet dhe reagimet e tyre dhe plotësisht pajtohem me vlerësimet që janë bërë nga të gjitha institucionet. LDK dhe Nisma Socialdemokrate momentalisht kanë koalicion në Malishevë në harmonizimin e programeve dhe bashkëqeverisjes në të ardhmen në Malishevë në këtë mandat.


Enver Hoti, anëtar nga AAK: Ju kuptoj por unë e ceka është dashur me pasë në rend të ditës si pikën: *Të ndryshme*, por ju po e përdorni votën mund t'ma merrni edhe fjalën, por reagimin tim nuk mund të ma ndalni.

Kryesusi i Kuvendit, **Fatmir Ademaj**: Anëtarët e Asamblesë Komunale të cilët nuk kanë pasur ftesë nuk e di kush nuk ka pasur, por kam kërkuar nga administrata e kuvendit që përmes asaj që keni votuar dhe jeni zgjedhur si asambleistë, të gjithë asambleistët do të duhej t'i mirëpresim me llaptopë. Ata të cilët nuk janë rizgjedhë asambleistë detyrohen t'i dorëzojnë sa më shpejt llaptopët që t'ju dorëzojmë anëtarëve të rinj të Kuvendit të cilët janë aktiv. Rrjedhimisht të gjitha njoftimet zyrtare do t'ju dërgojmë në e-mail. Me kaq e përfundojmë mbledhjen e parë urgjente.

Shihemi në takimet e radhës.

Mbaroi në ora: **11:10**

Procesmbajtësja:
Argenitë Thaçi



Kryesuesi i Kuvendit
Fatmir Ademaj

